

Wi Oostfreesen sünd ook bloot Minsken

IN D' LUUR

Matthias Hippen

redaktion@on-online.de



Geiht dat in d' „Soziale Netzwerke“ um Minsken up de Flucht, denn maken heel wat Lü dar 'n Schandaal as Ketelböters. Nu sünd nich all Lü so. Wat 'n Glück. Mennigeen verdeelt bunt Billers mit Spröken. Up een steiht: Up Plattdütsk giff dat kien Woord för „Flüchtling“. Ach, wat weer dat mooi, man 't is wiss nich wahr. In d' Wahrheit giff dat een Woord: Flüchtlings. Un de harrn dat na de tweede groot Krieg all heel stur. Se harrn faaktieds kien Solt up 't Brood. Se harrn nix to äten un kien Dack övert d' Kopp. Een Bült Minsken hemmen hör hulpen, man mennigmal bloot unner Dwang. Dat weer wunnerbar, wenn de Lü in 't Internet recht harrn – man wi Oostfreesen sünd ook kien Engels un bloot Minsken. In dat Goode un in dat Slechte.
